

第七冊 墳塋譜

粵東簡氏大同譜

全譜裝  
十二冊

公元二〇〇四年九月

謹按原譜印制于廣州

粵東簡氏大同譜

廣州簡氏祖祠門聯

嶺表開宗成周世胄  
范陽重望季漢家風

順德簡岸系

二十世孫朝亮題



▲今廣州市太和鎮金釵嶺之簡文會狀元墓，和廣州市盤福路市二十七中學內之簡氏祖祠，乃羊城瑰寶，均已成為廣州市重點保護文物，並分別銘立雲石標記。

廣州市文物保護單位  
簡文會狀元墓  
(包括簡氏祖祠)

廣州市人民政府  
一九九三年八月九日公布  
一九九四年十一月一日立

●簡公文會，號魁岡，南海黎涌人。南漢乾亨二年（公元 918年）狀元及第，累官至尚書右丞。公才華超群，性耿不阿，為官清廉，甚有政聲。南漢乾和年間，公冒死直諫暴君劉晟除暴政，觸怒中宗，被貶謫為禎州刺史。公被貶后，仍盡心民事，興利除弊，終積勞成疾，死于任上。

●簡氏祖祠之建立，乃繼廣州桂香街簡氏書院暨簡氏十房祠創建（公元 1704 年）之後，嶺南簡氏宗族崇德、愛禮、敬賢、重教之又一重大舉措，功德無量。祖祠崇祀簡氏始祖周王室使命大夫師甫公，遠祖季漢昭德將軍憲和公，南漢狀元尚書右丞文會公等先祖名賢；又以簡氏家族自治社之名義在祖祠創辦衆賢中學，培育英才，顯揚四方。

●《粵東簡氏大同譜》面世至今，已逾七秩，經歷世代變換、人事變遷，世道變幻及環境變易，現仍完好幸存者寥若晨星，有瀕臨失傳之勢。鑒于此況，衆宗親議印大同譜之意切切。種德如種樹，順德勒竹系旅港宗親鑒江先生慷慨捐資港幣五萬五千元，以助印譜；同宗燦標、揚威、振雄、普權諸昆仲熱誠操辦印譜事宜。僅以此，爲承傳吾宗歷史典籍、弘揚中華民族文化盡綿薄之力。捐資者與操辦者商定：以普權先生1994年復印之譜本爲稿本，委托廣州市天河思龍印刷廠制作PS版印制398套（綫裝，每套13卷，分裝12冊，每套印制費人民幣120元）。印舊如舊，分送粵東各地親房及有關圖書館和文史機構，個人有償取譜。至于印譜后之余款及個人取譜所交款，鑒江先生認捐予屏山簡公佛廟。

● 聯系地址：廣州市番禺區鐘村屏山二村 郵碼：511495

聯系人：簡應秋 電話：020-84777000

13502445749

簡揚威 電話：020-84771109

13794342322



排左起應峰、燦標、揚威、鑒江、應秋。  
左起但仔、振雄、燦標、揚威、普權；後  
同譜付印議決會之到會昆仲：前排  
▲二零零四年九月二十六日，大

中華民國十七年  
戊辰春三月發印

粵東簡氏大同譜卷七

墳塋譜

墓域

周官大司徒以本俗六安萬民二曰族墳墓此周官墓大夫所謂令國民族葬也如此則民念先塋其俗不忘本而相安焉惟越年之久聚族之多葬者以漸各從其所而不能以一區限是乃地勢然矣其在於今不必皆族葬之迹也而猶得使族葬之意如有存者將何爲哉則族爲之譜而錄其墳塋也列房分譜其墳塋能悉錄之總列房而爲大同譜則不能悉錄之而錄其根要者始遷祖則其根要者也自二世而下有選錄其由墳塋而爲文者石刻之實與衆觀焉欲章其事而不湮也然

則墳塋諸義可不明乎詩國風曰穀則異室死則同穴  
穀者生也生則夫婦有別故異室夫婦之義惟偕老雖  
旣死而相偕故同穴蓋合葬也記曰自周公以來未之  
有改也故曰周公蓋祔言合葬也記稱孔子曰衛人之  
祔也離之魯人之祔也合之善夫此祔葬者自夫婦而  
言與祔祀之祔不同則不得以俗言附葬者淆之矣俗  
言附葬者禮家則謂之從葬此昭穆相從鄭氏所謂各  
從其親也今當明其義矣孝經曰卜其宅兆而安厝之  
卜也者卜其葬之能安厝否也非卜其葬之能富貴否  
也唐太宗命博士呂才敘葬而言其卜曰蓋以朝市遷  
變泉石交侵不可前知故也士虞禮云日中而行事此

葬曰虞也虞安也葬後祭而安之也其禮云三月而葬  
又云卜日蓋卜葬日也檀弓云葬日虞不忍一日離也  
禮有三虞此始虞也日中而虞則日出而葬矣檀弓所  
謂大事用日出也卜日則卜葬日爲何卜其宜於是日  
之葬事也非卜其宜於是日之富貴也故卜日而月與  
十二時無卜焉則奚拘忌之有程子曰拘忌甚者不以  
奉先爲計而專以利後爲言非孝子安厝之用心也漢  
書藝文志有曰堪輿金匱又有曰宮宅地形唐書藝文  
志有曰青烏子又有曰葬經而世言青囊書者每託諸  
郭璞乃晉書言璞者命盡日中身遭大戮何不思彼猶  
如此乎豈可泥乎今亦當明其義矣禮王制曰大夫士

庶人三月而葬蓋通制也喪服小記曰久而不葬者惟主喪者不除言三年喪服不得除而卽吉也以有故而未葬則親未安土也而律文曰若惑於風水及託故停柩在家經年暴露不葬者杖八十敢不愼歟喪服小記曰報葬者報虞報讀爲赴速也不待三月而速葬公羊傳所謂渴葬也而禮不止之者以有故也儀禮喪服曰改葬總鄭氏云改葬謂墳墓以他故崩壞是也又若左傳言改葬惠公以有宋師故而葬有闕也總則爲三月服焉愼其事也故律文曰其有故而依禮遷葬者不坐而律文又防之曰凡愚民惑於風水擅稱洗筋檢筋名色將已葬父母及五服以內尊長骸骨發掘檢視占驗

吉凶者均照服制以毀棄坐罪防之也今皆當明其義矣若夫墓祭者禮經之展墓也今用清明節宜素服不鼓樂楮幣紙錢如時禮或寒食日或霜降節重陽日宜也其墓域有難著者略用墓圖灋自蕭梁迄唐以來誌墓亦書干支之嚮斯有省也今從焉

謹按安厝唐御注孝經本作安措今從通鑑呂才所引文程子曰地之美者土色光潤草木茂盛乃其驗也惟五患則宜避謂他日不爲道路不爲城郭不爲溝池不爲貴勢所奪不爲耕犁所及也朱子曰須形勢拱揖環抱無空缺處迺可用此程朱大

儒之說不與術家同日語者以其非因是而言富貴也又非因富貴而言禍福也司馬溫公稱宋名宰相焉其葬論曰吾家葬大尉公族人皆曰不詢陰陽此必不可吾兄伯康無如之何迺曰安得良葬師而詢之族人曰近村有張生者良師也兄迺召張生許以錢二萬曰汝能用吾言吾俾爾葬不用吾言將求他師張生曰惟命是聽於是兄自以己意處歲月日時及壙之深淺廣狹道路所從出皆取便於事者使張生以葬書緣飾之曰大吉以示族人族人

咸悅無違異者今吾兄年七十九以列卿  
致仕吾年六十六忝列侍從宗族之從仕  
者二十三人視他人之謹用葬書未必勝  
吾家也前年吾妻死棺成而斂裝辦而行  
壙成而葬未嘗一言詢陰陽家汔今亦無  
他故今著茲論俾後之子孫葬必以時欲  
知葬書之不足信視吾家緣及侍從之從  
皆讀去聲

又按列子云秦之西有儀渠之國者其親  
死聚柴積而焚之熏則煙上謂之登遐然  
後成爲孝子此火葬之俗西羌有之佛氏

謂之茶毗中國或被其風者顧亭林所痛

戒焉

詳日知錄

又按唐侯官縣丞湯華墓誌云歸葬於明州鄞縣龍山鄉江上里庚嚮之原蓋葬廣平地也今攷爾雅釋地云廣平曰原故尙書禹貢山與原不同稱說文云高平曰原此原對隰而爲高非山高也世之撰墓誌者相沿不察雖於山亦以原稱斯失之矣

鄞音茂

又按朱子曰祭以西爲上葬亦當然朱子說以南嚮言之西者右也地道以右爲尊

則男右女左也世俗之習凡合葬皆男左女右今如不從俗斯必以石記焉可也邱氏濬云一家忽如此數世後安知不誤以考爲妣乎

又按墓祭當哀以敬者也故禮制皆用素服行之皆不鼓樂蓋樂者樂也墓祭鼓樂豈當哀而反樂邪曲禮云適墓不歌况鼓樂邪

又按古文名大家集本文往往有與石刻文不盡同者脩改故也攷石刻者辯焉譜中石刻文體式皆仍原刻存舊也

墓域 以宗序先後爲次

黎涌房

始遷祖封尚書右丞一山公妣封夫人蔡氏合葬墓在南海縣  
石頭西邊岡癸子嚮墓域南漢□□□年□□建

以下選錄

此錄古蹟墓例及墓表

二世

賜狀元及第尚書右丞禎州刺史崇祀鄉賢魁岡公妣封  
夫人陳氏繼妣封夫人瀛氏合葬墓在廣州白雲梁洞村  
金釵嶺丁午嚮墓域宋建年佚清康熙四十三年甲申光  
緒十六年庚寅脩

謹按南海縣志古蹟略云右諭德倫文敘

墓在埤頭此邑志書墓例也今魁岡公墓  
邑志未錄當俟補報而錄焉

二十九世

先家君墓表

嗚呼先考踰壯年而沒矣諸孤幾無以存矣幾無以存而  
能存者先妣之節之能也代先考而有終也先考系出春  
秋時簡氏周大夫簡師甫奉王命告難于晉晉文勤王由  
師甫公之告始事詳左傳厥後子孫自東周遷涿郡遂著  
范陽之望季漢時蜀昭德將軍憲和公使不辱命詳三國  
志五代後梁時契丹寇北方南遷來粵分居南海黎涌鄉  
南漢時魁岡公以進士廷試第一崇祀鄉賢詳史及省志